

寶

訓

寶訓卷七

樓霞郝懿行蘭皋輯

藥草

諺云臘鼓鳴春草生

歲時記十二月入日爲臘日邨人並擊細腰鼓以逐疫

說文藥治病草

案藥有略音韓愈詩五鼎調勻藥又藥關藥字音籟漢書池藥未幸○

廣雅紫芍紫草也○山海經勞山多苾草一名紫英

○齊民要術種紫草宜黃白輒良之地青沙地亦善

開荒黍稷下大佳性不耐水必須高田三月種之糞

耨地逐壟手下子

良田一畝用子二升半薄田用子三升

下訖勞之鋤

如穀法潔淨爲佳其壟底草則拔之九月中子熟刈

之候穉燥載聚打取子

溼載子則泥鬱

卽深細耕

不細不深則失草矣

尋壟以杷耨取整理

收草宜併手力速竟爲良遺雨則損草也

一扼隨以

茅結之

孽葛彌善

四阨爲一頭當日則斬齊顛倒十重許

爲長行置堅平之地以板石鎮之令扁

溼鎮直而長燥鎮則碎折

不鎮賣難售也

兩三宿豎頭著日中曝之令氾氾然

不曬則鬱黑太

燥則碎折

五十頭作一洪

洪十字大頭向外

著敝屋下陰涼處棚

棧上其棚下勿使驢馬糞及人溺又忌煙皆令草失

色其利勝藍若欲久停者入五月內著屋中閉戶塞

向密泥勿使風入漏氣過立秋然後開出草色不異

○本草紅藍花卽紅花也花作棊彙多刺

案宋文帝詩紅藍與

芙蓉我色

與歡敵

○古今注燕支中國人謂之紅藍

案張騫得自西

域者

○齊民要術

花地欲得良熟二月末三月初種也

種法欲雨後速下

或漫散種或耬下一如種麻法亦有鋤而掩種者子

科大而易料理花出日日乘涼摘取

不摘則乾

摘必須盡

畱餘

五月子熟拔曝令乾打取之

子亦不至澁鬱

五月種晚

花

春初卽畱子

七月中摘深色鮮明耐久不駝

紆物反勝色壤也

春種者收子與麻子同價旣任車脂亦堪爲燭一頃

花日須百人摘○曬紅花法摘取卽碓搗使熟以水淘布袋絞去黃汁更搗以粟飯漿清而酸者淘之又以布袋絞去汁卽收取染紅勿棄也絞訖著甕器中以布蓋上雞鳴更搗令均于席上攤而曝乾

勝作餅花作餅

者不得乾令花過鬱也

語曰青出於藍藍謝青師何常在明經

北史李謐初師小學孔璠後璠

還就謚請業○案首句一作青成藍

通志藍三種蓼藍染綠大藍如芥染碧槐藍如槐染青三藍皆可作澱色成勝母○夏小正五月啟灌藍

蓼

註敗者別也陶而疏之也  
灌也者藪生者也記時也

○崔寔曰榆莢落時可

種藍五月可刈藍六月可種冬藍

冬藍木藍也

○齊民要

術藍地欲良三徧細耕三月中浸子令芽生乃畦種  
之治畦下水一同葵法藍三葉澆之

晨夜再澆

治令淨

五月中新雨後卽接溼耨耩拔栽之三莖作一科相

去八寸

栽時宜併力急  
手無令地燥也

白背卽急鋤

栽時既溼白背  
不急鋤則堅確

也

五徧爲良七月中作藍澱

菜花鏡夏至前後看葉  
上有破紋方可收割凡

五十斤用石灰一石缸內浸至次日已變黃色去梗  
用木爬打轉粉青色變至紫花色然後去水成靛矣

○說文梔木實可染○博雅梔子楸桃也

案正字通  
名越桃無

楸桃

名 ○史記千畝卮茜

註其花染繪赤黃也○案卮同梔

○述異記

洛陽有支茜園○農桑輯要十月選成熟梔子取子  
淘淨曬乾至來春三月選沙白地廡畦區深一尺全  
去舊土卻收地上溼潤淨土篩細填滿區下種稠密  
如種茄法上搭箔棚遮日高可一尺四十餘日芽方  
出土次年三月移開第四年開花結實十月收摘飯  
內微蒸曬乾用

六安土人曰茶不可移移必不活

許雖菴曰今世聘婦以茶爲禮豈取其一

定不移乎

爾雅檟苦茶

註樹小如梔子冬生葉可煮作羹飲今呼早采者爲茶晚取者爲茗一名莽

人名之苦茶○案此卽今之茶也莽尺竟切

○陸羽茶經一曰茶二曰檟

三日設

音設

四曰茗五曰莽

案正字通引魏了翁集謂茶之始其字爲茶惟陸羽

盧仝始易茶爲茶然漢書年表茶陵顏師古註音塗至地理志茶陵从人从木則註代奢反又音丈加反是漢時已有茶茶二字非始於唐矣

○博物志飲真茶令人少眠○續

博物志南人好飲茶孫皓以茶與韋昭代酒謝安詣

陸納設茶果而已北人初不識開元中泰山靈巖寺

有降魔師教禪者以不寐人多作茶飲因以成俗○

楚人陸鴻漸爲茶論并煎炙之法造茶具二十四事

以都統籠貯之常伯熊者因廣鴻漸之法伯熊飲茶

過度遂患風氣或云北人未有茶多黃病後飲病多

腰疾偏死

案茶錄載晉以降吳人採葉煮之號茗粥則茶之始以食爲貴後乃專以供飲耳

○四時類要茶熟時收取子和溼沙土拌筐籠盛之

穰草蓋不爾卽凍不生至二月中出種之于樹下或

北陰之地開坎圓三尺深一尺熟廝著糞和土每阬

中種六七十顆子蓋土厚一寸強任生草不得耘相

去二尺種一方旱時以米泔澆此物畏日桑下竹陰

地種之皆可二年外方可耘治以小便稀糞蠶沙澆

擁之又不可太多恐根嫩故也大概宜山中帶坡坂  
若干平地卽于兩畔深開溝壟洩水水浸根必死三

年後收茶○爾雅檉大椒又椒檉醜菜

註菜莢子聚生成房貌檉

似菜莢而小赤色○檉音殺

○說文菜菜也

徐鍇曰菜卽今之椒○菜說文無椒字菜

同椒或作林俗作楸

○陸璣詩疏椒葉蜀人作茶吳人作茗○

齊民要術熟時收取黑子

俗名椒目不用人手數近捉之則不生也

四月

初畦種之

治畦下水如種葵法

生高數寸夏連雨時可移之移

法以刀子圓剗椒栽合土移于院中萬不失一

若拔而栽

者率多死若移大栽者二月中移之此物性不耐寒

陽中之樹冬須草裏

不裏則死

其生小陰中者少稟寒氣

則不用裏候實口開便速收之天晴時摘下薄布曝

之令一日卽乾色赤椒好

若陰時收者色黑失味

其葉及青摘

取可以爲菹乾而末之亦足充食也○禮內則三牲

用蕺

註蕺煎菜萁也

○水經注邵陵水逕流三峽名菜萁江

○唐書王維傳輞川別墅有菜萁泝○齊民要術食菜

萁也山菜萁味不任食

二月三月栽之宜故城隄冢高燥處候

實開便收之挂著屋裏壁上麈乾勿使煙薰

煙薰則苦而不

香用時去中黑子

肉醬魚鮓偏宜用

○本草馬斬一名野苣

香薷蘿一名小茴香

案小茴香又名薷謀救

○嵇康茴香賦仰

眺崇岡俯察幽坂乃見茴香生蒙楚之間○務本新書春暖向陽掘區糞土相和區先下水子用新香不泥者量地下子糝土微蓋區南約量種穀以遮夏日長高三四指旱則澆之或霖雨時就新子種之亦可

十月斫去條梢糞土覆根三月去之

案薷蘿生佛晉國

語曰不戴金蓮花不得到仙家

拾遺記滄洲金蓮花形如蝶婦人競採爲首飾

爾雅荷芙蕖

註別名芙蓉

其莖茄其葉蓮其本薷

註莖下白莖在

泥中者

其華菡萏其實蓮

註蓮謂房也

其根藕其中的

註蓮中子

也的中慧註中  
心苦○韻會凡芙蕖行根如竹行鞭節生

一葉一華華葉常偶故謂之藕○續博物志藕生應

月閏月益一節案藕說文作  
藕類篇作藕○齊民要術種蓮子法

八月九月中取蓮子堅黑者于瓦上磨蓮子頭令皮

薄取瑾土作熟泥封之如三指大長二寸使蒂頭平

重磨處尖銳泥乾時擲于泥中重頭沈下自然周正

皮薄易生少時卽出其不磨者皮既堅厚倉卒不能

生也○種藕法春初掘藕根節頭著魚池泥中種之

當年卽有蓮花

諺云韭爲草鍾乳芡是水硫黃

廣雅雞頭謂之菝

尹推切

芡一名雁啄實管子名芡爲

卵蔭○酉陽雜俎菱開花背日芡開花向日故菱寒

芡煖○埤雅荷花日舒夜斂芡花晝斂宵炕陰陽之

異也○韓愈詩平池散芡盤○齊民要術種芡法八

月中收取擘破取子散著池中自生也○爾雅菱蔎

攪

註菱今水中  
芡○攪音眉

○武陵記四角三角曰芡兩角曰菱

案菱又作菱秦  
人謂之薺若

○梁簡文帝採菱詩菱花落復含桑

女罷新蠶桂棹浮星艇徘徊蓮葉南○齊民要術種

芟法秋上子黑熟時收取散著池中自生矣○本草

甘藷音諸○案山藥本一名山芋秦楚名玉延鄭越

名土藷一名修脔一名兒草○南方草木狀秋熟收

蒸之以充糧粳海人食皆壽百餘歲○異苑若欲掘

取默然則獲唱名便不可得人有植之者隨所植之

物而象之○四時類要山居要術云擇取白色根如

白米粒成者先收子作三五所院長一丈闊三尺深

五尺下密布甄院四面一尺許亦側布甄防別入傍

土中根即細也作院子訖填糞土三行下子種之填

坑滿待苗著架經年已後根甚粗一坑可支一年食  
根種者截長一尺已下種○又法地利經云大者折  
二寸爲根種當年便得子收子後一冬埋之二月初  
取出便種忌人糞如旱放水澆又不宜太溼須是牛  
糞和土種卽易成○務本新書種山藥宜寒食前後  
沙白地霜降後比及地凍出之將蘆頭另嘗來春種  
之勿令凍損按種時須揀肥長  
山藥上有芒刺者○爾雅芡地黃注一  
名地髓陶注本草云生涇城者乃有子實實如小麥  
○爾雅翼地黃生者以水試之浮者名天黃半沈半

浮者人黃沈者地黃芡字从下亦趨下之義○齊民  
要術種地黃法須黑良田五徧細耕三月種一畝下  
種五石至四月末五月初生苗訖至八月盡九月初  
根成中染若須畱爲種者卽在地中勿掘之待來年  
三月取之爲種計一畝可收根三十石今秋收訖至  
來年更不須種自旅生也惟須鋤之按上文云鋤時  
別作小刃鋤勿  
使細土覆心又按  
製地黃忌銅鐵器

鄉人歌曰我有園生之杞乎左傳

爾雅杞枸櫞

註今枸杞也陸璣疏云一名苦杞春生  
作羹茹微苦葉及子服之輕身益氣一

名地骨  
樞音計

○本草去家千里勿食蘿摩枸杞言強盛

陰道也○博聞錄種枸杞法秋冬間收子淨洗日乾

春耕熟地作町闊五寸紐草稔

肫去聲束  
稔曰稔

如臂大置

畦中以泥塗草稔上然後種子以細土及牛糞蓋令

徧苗出頻水澆之又可插種

案一法截條長四五  
指掩于溼地中亦生

○

夏小正九月榮鞠樹麥

註鞠草也鞠榮而  
樹麥時之急也

○爾雅鞠

治臍

註今之  
秋華菊

○本草菊華一名節華陶註云菊有兩

種一種紫莖氣香而味甘美葉可作羹爲眞菊一種

青莖而大作蒿艾氣味苦不堪食名薏非眞菊也

抱

樸子菊花與蕙花相似直以甘苦別之耳

○圖經今服餌家多用白者○

魏文帝與鍾繇書九月九日草木徧枯而菊芬然獨

秀今奉一束以助彭祖之術

案劉蒙泉菊譜一百六十三品范至能等廣至

三百餘種

○博聞錄菊蜀人多種之苗可入茶花子入藥

然野菊大能瀉人惟眞菊延年乃黃中之色氣味和

正花葉根實皆長生藥其性介烈不與百花同盛衰

是以通仙靈也○務本新書宜白地栽甜水澆苗作

菜食花入藥用三四月帶根土掘出作區下糞水調

成泥擘根分栽每區一二科後極滋茂

案花鏡小滿時每日須看

捉剪頭蟲紅頭黑身在辰巳二時專剪菊頭若被菊  
虎咬過其頭見日卽垂視咬傷處去寸許卽掐去無  
害遲則生蟲又有細蟻侵蛀菊本須用魚腥水洒其  
葉或澆土則除若蚯蚓地蠶傷根權以石灰水灌之  
則死速將河水連澆以解夾毒若象幹蟲似蠶青  
質與葉一色食葉須早起以針尋其穴刺殺之○

四時類要種蒼朮法二月取根子劈破畦中種上糞  
下水一年卽稠苗亦可爲菜若作煎宜多種之○博

物志黃精草卽太陽草也食之令人長生若太陰草

食之則死其草節所謂鉤吻也與黃精相反杜甫詩  
壩除白

髮黃精在○四時類要二月擇取葉相對生者是眞黃精

擘長二寸許稀種之一年後甚稠種子亦得其葉甚

美入菜用其根堪爲煎尤與黃精仙家所重○吳氏

本草百合一名重邁一名中庭一名重匡○羣芳譜

都波國無稼穡以此爲糧○四時類要二月種百合

此物尤宜雞糞每坑深五寸如種蒜法

又云取根曝乾搗爲麪細

篩甚益人

○本草牛蒡

音榜

子一名惡實似蒲萄核外殼如

栗莖一名鼠黏一名大力子一名蝟蝠刺氣味苦寒

無毒○務本新書葉作菜食明目補中去風久食輕

身耐老○四時類要熟耕肥地令深平二月末下子

苗出後耘早卽澆灌八月已後卽取根食若取子卽

畱隔年方有子凡是閒地卽須種之不但畦種也○

爾雅薺若莢苑

註莢明也疏云葉如苙芒子形如馬  
號呼爲馬號莢明廣雅謂之羊躑躅

○薺音皆薺音狗莢音決  
○案莢通決杜甫  
詩兩中百草秋爛死階下決明顏色鮮○或云取子

一匙按令淨空心吞  
之百日後夜可見光

○博聞錄園圃四旁宜多種蛇

不敢入

案一種似甘藷葉晝開夜合結角如細豇豆  
子狀如馬躑可作酒藥并眼目藥一種苙芒

決明似槐葉夜不合子  
如黃葵而扁忌入茶

○四時類要二月取子畦種

同葵法葉生便食直至秋間有子若嫌老糞種亦得

若入藥不如種馬躑者○說文藟蔗也○張衡南都

賦藟蔗薑藟

註藟蔗甘蔗也藟音煩百合○案蔗  
又與柘通楚辭膺鼈炮羔有柘漿些○

廣志甘蔗其飴爲石蜜○農桑輯要栽種法用肥壯  
糞地每歲春間耕轉四徧每栽子一箇截長五寸許  
有節者中須帶三兩節發芽于節上畦寬一尺相離  
五寸臥栽一根覆土畢用水繞澆止令溼潤根脈苗  
高二尺餘頻用水廣澆之並不開花結子直至九月  
霜後品嘗稽稔酸甜者成熟味苦者未成熟將成熟  
者附根刈倒外將所畱栽子稽稔斬去虛梢深掘窖  
阬收藏至來春出窖截栽如前法大抵栽種者多用  
上半截其下截肥好者畱熬沙糖若用肥好者作種

尤佳○煎熬法將初刈倒穉稈去梢葉截長二寸確  
搗碎用密筐或布袋盛頓壓擠取汁卽用銅鍋內斟  
酌多寡以文武火煎熬其鍋隔牆安置無令煙火近  
鍋專一令人看視熬至稠黏似黑棗合色用瓦盆一  
隻底上鑽箸頭大竅眼一箇盆下用甕承接將熬成  
汁用瓢盛傾于盆內極好者澁于盆流于甕內者止  
可調水飲用○本草薏苡仁開紅白花結實青白色  
形似珠而稍長一名回回米又呼西番蜀秫俗名草  
珠鬼○農桑輯要九月霜後收子至來年三月中隨

耕地于壟內點種勞蓋令平有草則鋤○說文藤藟

也○爾雅諸慮山梟

註今江東呼梟爲藤似葛而粗大○梟音壘

○農桑

輯要春分前後移栽長時宜靠樹架起其花茂盛採時天晴便曬乾不致沍損收藏可爲素餡食之○本

草忍冬藤一名金銀花其花長瓣垂鬢黃白相間而

藤左纏

案收花蒸曬可煮茶用

○又薄荷莖葉似荏而長○農

桑輯要諸處多可移栽經冬根不死採葉可食本入

藥用○羣芳譜罌粟一名米囊花一名御米花一名

米穀花○四時類要罌粟尤宜山坡亦可畦種○博

聞錄重九日種又中秋夜種則罌大子滿種訖以竹

箒掃之○西京雜記苜蓿

案本草一名牧苜漢書作目宿

一名懷風

時人謂之光風茂陵人謂之連枝草○崔寔曰七月

八日可種苜蓿○齊民要術地宜良熟七月種之畦

種水澆一如韭法

亦一剪一上糞鐵耜耨土令起然後下水

一年三刈畱

子者一刈則止春初既中生噉爲羹甚香長宜飼馬

馬尤嗜之此物長生種者一勞永逸都邑負郭所宜

種之○四時類要苜蓿若不作畦種卽和麥種之不

妨○燒苜蓿之地十二月燒之訖二年一度耕壟外

根卽不衰凡苜蓿春食作乾菜至益人

昔人種菖蒲訣云春遲出夏不惜秋水深冬藏密

春分方出

夏四月十四菖蒲生日用竹剪修淨自生不愛惜秋深水養之冬須藏密室

又忌訣云添水不換水見天不見日宜剪不宜分浸根

不浸葉

不換存元氣見日恐焦枯分多則葉粗浸葉則易爛○案以上皆爲盆種而言若入藥用不必

如此調護也又案泥菖生池澤水菖生溪澗石菖生水石間惟石菖蒲入藥葉中有脊其狀如劍又名水劍一種葉無脊根粗大如指者名昌陽

春秋運斗樞玉衡星散爲菖蒲○孝經援神契椒薑

禦溼菖蒲益聰巨勝延年感喜辟兵

案感喜琥珀屬

○風俗

通菖蒲放花人得食之長年○蘇軾石菖蒲序乃遺

九江道士使善視之余復過此將問其安否○格物

論菖蒲一名昌歆

案一名堯韭

種池沼間其根盤屈有節

狀如馬鞭一種根苗纖細人家以瓦器種之

案花鏡性喜陰

溼用沙石植者葉細用泥土者葉粗如患葉黃墜以鼠糞或蝙蝠矢用水洒之若欲苗直以綿裹筋頭每

朝將之

寶訓卷八

棲霞郝懿行蘭皋輯

孳畜

爾雅馬八尺爲駮音戎牛七尺爲牾羊六尺爲羝五威切

彘五尺爲狔音厄狗四尺爲獒雞三尺爲鶡音昆鳥音昆溝音巨

鶡音古之名雞○牛曰齡丑之切○註食之已久復出嚼之羊曰羴音泄鳥曰

噉註咽中○獸曰覺註自奮魚曰須註鼓頤鳥曰臭註張兩翅

皆氣體所須○  
語曰疲馬不能度澗風俗通俗云馬羸不能度繩索或云不能度種菜畦陸也案齊有澗

水裁廣三四步言馬之  
疲乃不能度此水耳

俗說云相馬及君子

史記貨殖傳註引風俗通馬稱匹者俗說云相馬及君子與人相匹

故云匹或說馬夜行目照前四丈故云一匹或說度馬縱橫適得一匹又孔子望見匹練事見韓詩外傳風俗通蝦蟇一跳八尺再丈六從春至夏裸袒相逐無他所作掉尾肅肅案蝦蟇無尾當言夏馬夏馬患蠅蚋掉尾擊之故肅肅也

語曰相馬失之瘦相士失之貧

古諺云少所見多所怪見橐駝言馬腫背

東漢牟融引

古語曰雖鞭之長不及馬腹

晉伯宗引

古語云躡馬破車惡婦破家

易緯引

諺曰旦起騎穀日中騎水

言旦飲須節水也  
詳見齊民要術

夏小正四月執陟攻駒

註執駒者離之去母陟升之  
君也攻駒教之服車數舍之

也

五月頒馬

註分夫婦之駒也  
夫婦一作大夫卿

爾雅牡曰騶

註今江東

呼駮馬  
爲騶

牝曰騶

音舍○註  
草馬名

○春秋說題辭地精爲馬

十二月而生應陰紀陽以合功月度疾故馬善走○

段成式諾皋記云馬鬼名賜○蠶爲末塗馬齒卽不

食桑葉拭去卽食蠶馬類也物莫兩盛如此○正韻

乘畜生於午稟火氣火不能生木故馬有肝無膽膽

木之精氣也木臟不足故食其肝者死○說文馬怒

也武也

案玉篇馬武獸也

象馬頭髦尾四足之形

前漢石慶傳馬字與

尾當五師古註馬字下曲者尾并四點爲足凡五

○五代史郭崇韜謂繼岌

曰當盡去宦官至於扇馬亦不可騎

案扇本作駟驪仙肘後經駟馬

宦牛羯羊闔豬斂雞善狗淨貓案斂亦作駟音敦去畜勢

○齊民要術飲飼之節

食有三芻飲有三時何謂也一曰惡芻二曰中芻三

曰善芻

謂飢時與惡芻飽時與善芻引之令食食常飽則無不肥到草粗雖足豆穀亦不肥充細

對無節筵去土而食之者令馬肥不何謂三時一曰

朝飲少之二曰晝飲則胸饜水三曰暮極飲之一曰

夏汗

冬寒皆當節飲每飲食勿行驟則消水小驟數百步亦佳十日一放令其陸梁舒展令馬硬實也

驢

騾大槩類馬不復別起條端○凡驢馬駒初生忌灰

氣遇新出爐者輒死

經雨卽不死

○凡以豬槽餵馬以石

灰泥馬槽汗繫著門皆令馬落駒

術曰常繫獼猴于馬房令馬不畏辟

惡消百病也

馬久步卽生筋勞筋勞則生蹠痛久立則發

骨勞骨勞則發癰腫久汗不乾則生皮勞皮勞者驥

陟扇切馬土浴也

而不振汗未燥而飲飼之則生氣勞氣勞

者驥而不噴馳驅無節則生血勞血勞則發強行何

以察五勞終日馳驅舍而視之不驥者筋勞也驥而

不時起者骨勞也起而不振者皮勞也振而不噴者

氣勞也噴而不溺者血勞也筋勞者兩絆卻行三十步而已骨勞者令人牽之起從後笞之起而已皮勞者夾脊摩之熱而已氣勞者緩繫之櫪下遠餵草噴而已血勞者高繫無飲食之大溺而已○治牛馬疫氣方

取獺屎煮灌之獺肉及肝彌良不能得肉肝乃用屎耳

○治馬喉腫方以

物纏刀子露刃鋒一寸許刺咽喉潰則愈

案一法用藥見下博

問錄○治馬黑汗方取乾馬糞置瓶子中頭髮覆之火

燒馬糞及髮煙出著馬鼻熏令煙入鼻中須臾即差又方豬脊引脂雄黃亂髮燒煙熏鼻同上法○療馬

結熱起臥戰不食水草方黃連二兩杵末白鮮皮一兩

杵碎油五合豬脂四兩細切右以溫水一升半和藥調停

灌下牽行拋糞即愈○馬疥方梘音梘黃原本作雄黃頭髮

臘月豬脂煎令髮消及熱塗立效○馬傷水用葱鹽

油相和搓成團子納鼻中以手掩馬鼻令不通氣良

久待眼淚出即止○馬傷料用生蘿蔔三五箇切作

片子啖之立效○馬猝熱腹脹起臥欲死方藍汁二

升和冷水二升灌之立效○治新生小駒子瀉肚方

藁本末三錢用大麻子研汁調灌下咽喉便效次以

黃連末大麻汁解之○驢馬磨打破瘡馬齒菜石灰  
一處擣爲團曬乾後再擣羅爲末先口含鹽漿水洗  
淨用藥末貼之驗○點馬眼藥青鹽黃連馬牙硝麩  
仁右件四味各等分同研爲末用蜜煎入瓷瓶子盛  
或點時旋取少許以井水浸化點○治馬急起臥取  
壁上多年石灰細杵羅用酒調二兩用水灌之立效  
○治馬食槽內草結方好白礬末一兩分爲二服每  
貼和飲水後啖之不過三兩度卽內消卻此法神驗  
○博聞錄馬傷脾方川厚朴去粗皮爲末同薑棗煎

灌應脾胃有傷不食水草寒唇佻笑鼻中氣短宜速  
與此藥○馬心熱方甘草芒硝黃蘗大黃山梔子瓜  
萋爲末水調灌應心肺壅熱口鼻流血跳躑煩燥宜  
急與此藥○馬肺毒方天門冬知母貝母紫蘇芒硝  
黃芩甘草薄荷葉同爲末飯湯入少許醋調灌療肺  
毒熱極鼻中噴水○馬肝壅方朴硝黃連爲末男子  
頭髮燒灰存性漿水調灌應邪氣衝肝眼昏似睡忽  
然眩倒此方主之○馬腎搐方烏藥芍藥當歸元參  
山茵陳白芷山藥杏仁秦艽每服一兩酒一大升同

煎溫灌隔日再灌○馬氣喘方元參葶升麻牛黃  
兜苓黃耆知母貝母同爲末每服二兩漿水調草後  
灌之應喘嗽皆治○馬尿血方黃耆烏藥芍藥山茵  
陳地黃兜苓枇杷葉爲末漿水煎沸候冷調灌應六  
月熱尿血皆主療之○馬喉腫方螺青川芎知母川  
鬱金牛蒡炒薄荷貝母同爲末每服二兩蜜二兩漿  
水煎沸候溫調灌○馬結尿方滑石朴硝木通車前  
子同爲末每服一兩溫水調灌隔時再服結甚則加  
山梔子赤芍藥同末○馬結糞方阜角燒灰存性同

大黃枳殼麻子仁黃連厚朴爲末清米泔調灌若傷  
突加蔓荊子末同調○馬舌硬方款冬花瞿麥山梔  
子地仙草青黛礬砂朴硝油煙墨等分爲細末每用  
半兩許塗舌上立差○馬膈痛方羌活白藥甜瓜子  
當歸沒藥芍藥爲末春夏漿水加蜜秋冬小便調療  
膈痛低頭難不食草○馬流沫方當歸菖蒲白朮澤  
瀉赤石脂枳殼厚朴甘草爲末每一兩半酒一升熬  
白三握同水煎溫灌○馬傷蹶方大黃五靈脂木鼈  
子去油海桐皮甘草土黃芸薑子白芥子爲末黃米

粥調藥攤帛上裹之

諺曰羸牛劣馬寒食下

齊民要術言其乏食瘦瘠春中必死

俗諺云三和一繳須管要飽不要噍了使去最好

詳見韓氏

直說○噍音嚼齧也

說文牛大牲也牛件也件事理也象角頭三封尾之

形

註封高起也

○犗二歲牛

犗同犗音貝

○犖

音耗

三歲牛○牝

四

音音

四歲牛○犗

音擾同犗

牛柔謹也○爾雅絕有力欣假

加

○淮南子牛岐蹠而戴角○戴角者無上齒無角

者膏而兌前有角者脂而兌後

註豕馬之屬前小

○孔叢子

猗頓魯窮士聞陶朱公富問術焉告之曰欲速富養

五牴

牴音字  
牝牛

乃畜牛羊子息萬計貨擬王公○韓氏直

說餵養牛法農隙時入暖屋用場上諸糠稷鋪牛腳  
下謂之牛鋪牛糞其上次日又覆糠稷每日一覆十  
日除一次牛一具三隻每日前後餉約飼草三束豆  
料八升或用蠶沙乾桑葉水三桶浸之牛下餉噉透  
刷飽音飽飲畢辰巳時間上槽一頓可分三和皆水拌  
第一和草多料少第二比前草減半少加料第三草  
比第二又減半所有料全繳拌食盡卽往使耕噉了

牛無力夜餵牛各帶一鈴草盡牛不食則鈴無聲卽  
拌之飽使耕○水牛飲飼與黃牛同夏須得水池冬  
須得暖厰牛衣○四時類要治牛疫方眞安息香于  
牛欄中燒如燒香法如初覺有一頭至兩頭是疫卽  
牽出以鼻吸之立愈又方十二月兔頭燒作灰和水  
五升灌口中良○牛腹脹欲死方研麻子汁五升溫  
令熱灌口中愈此治食生豆腹脹垂死者甚良○牛  
鼻脹方以醋灌耳中立差○牛疥方煮黑豆汁熱洗  
五度差一本作烏頭汁○牛肚脹及嗽方取榆白皮水煮令

熟甚滑以三五升灌之卽差○牛虱方以胡麻油塗之卽愈豬脂亦得六畜虱塗之亦愈○博聞錄牛瘡疫方用眞茶二兩和水五升灌之又治牛猝疫而動頭打脇急用巴豆七箇去殼細研出油和灌之卽愈又燒蒼朮令牛鼻吸其香止○牛尿血方川當歸紅花爲細末以酒二升半煎取二升冷灌之又法豉汁調食鹽灌○牛患白膜遮眼用炒鹽并竹節燒存性細研一錢貼膜效○牛氣噎方牛有茅根噎以阜角末吹鼻中更以鞋底拍尾停骨下效○牛腹脹方牛

喫著雜蟲卽腹脹用燕屎一合漿水二升調灌之效  
○牛觸人方牛頭走逢人卽觸是膽大也黃連大黃  
末雞子酒調灌之○牛尾焦不食水草以大黃黃連  
白芷末雞子酒調灌之○牛氣脹方淨水洗汗鞮取  
汁一升好醋半升許灌之愈○牛肩爛方舊綿絮三  
兩燒存性麻油調抹忌水五日愈○牛漏蹠方紫礦  
爲末豬脂和納蹠中燒鐵篋烙之愈○牛沙疥方蕎  
麥隨多寡燒灰淋汁入綠礬一合和塗愈

古語云蠹喙仆柱梁蚊芒走牛羊

劉向  
新序

童謠云一束藁兩頭然河邊殺懸飛上天北史齊本紀後魏末文宣

未受禪時童謠○藁然兩頭于文為高河邊殺懸水邊羊帝名也

夏小正二月初俊羔助厥母粥

註俊大也粥養也言大羔能食草木不食

於母也羊蓋非其子而後養之善養而記之也

三月羴羊

註羊有相還之時其類羴羴然或曰

羴羴也

○爾雅羊牡羴

音汾牝羴夏羊註黑羴牡羴註黑牝也

殺註今人便以牝殺為白黑羊名

未成羊羴

註俗呼五月羔為羴

絕有力奮○

說文羊祥也从𠂔象頭角尾之形孔子曰牛羊之字

以形舉也

案說文羊字

○羴羊鳴

案羴音弭或作羴○又楚姓也

○羴

小羊也讀若達

音聞省作羴

○羴羊未卒歲也

羴音

○羴

周法訓羊有跪乳之禮雞有識時之候雁有庠序之儀人取法焉○龍魚河圖羊有一角食之傷人○家政法養羊法當以瓦器盛一升鹽懸羊欄中羊喜鹽自數還啖之不勞人牧○羊有病輒相汗欲令別病法當欄前掘瀆深二尺廣四尺往還皆跳過者無病不能過者入瀆中行過便別之○齊民要術常畱臘

月正月生羔爲種者上十一月二月生者次之

非此月數

生者毛必焦卷骨骼細小所以然者逢寒遇熱故也其十一月十二月生者母既多乳膚軀充滿草雖枯亦不羸瘦母乳適盡大率十口一羝

羝少則不孕羝多則亂羣羝

無角者更佳

有角者喜觸傷胎所由也

擬供廚者宜剩之

剩法生十餘日

布裹齒碎之

牧羊必須老人心性宛順者起居以時調其

宜適卜式云牧民何異于是者惟遠水爲良

傷水則蹶甲膿

出

二日一飲

頻飲則傷水而鼻膿

緩驅行勿停息

息則不食而羊瘦急行則

空塵而蚰類也

○

春夏早放秋冬晚出

春夏氣和所以宜早秋冬

霜露所以宜晚養生經云春夏早起與雞俱與秋

冬晏起必待日光此其義也夏日盛暑須得陰涼

圈

不厭近必須與人居相連開窗向圈

羊性怯弱不能禦物狼一入圈

或能絕羣

架北牆爲厰

爲屋傷熱熱生疥癬且屋處慣暖冬入田尤不耐寒

圈中作

臺開竇無令停水二日一除母使糞穢

穢則汗毛停水則夾蹶眠

溼則腹

圈內須並牆豎柴柵令周匝

羊不揩土毛常自淨不豎柴者

羊揩牆壁土鹹相得毛皆成氈又豎柵頭出牆者虎狼不敢踰

羊一千口者三四月

中種大豆一頃雜穀并草留之不須鋤治八九月中

刈作青茭若不種豆穀者初草實成時收刈雜草薄

鋪使乾勿令鬱浥

凡乘秋刈草非直爲羊而然大凡悉皆倍勝崔寔曰七月七日刈芻

也既至冬寒多饒風霜或春初雨落青草未生時則

須飼不宜出放○羊有疥者問別之不別相染汗或

能合羣致死羊疥先著口者難治多死凡羊經疥得

差後夏初肥時宜賣易之不爾後春疥發必死矣○

四時類要羊疥皮梨蘆根敲打令皮破以泔浸之餅  
盛塞口放竈邊令常暖數日味酸便中用以輒瓦刮  
疥處令赤若堅硬者湯洗之去痂拭令乾以藥汁塗  
之再上愈疥若多逐日漸漸塗之勿頓塗恐不勝痛  
也又方豬脂和梟黃塗之愈○羊中水方羊膿鼻眼  
不淨者皆以水洗治之其方以湯和鹽杓中研令極  
鹹候冷取清者以小角子受一雞子者灌兩鼻各一  
角五日後以眼鼻淨爲候不差更灌○羊膿鼻及口  
頰生瘡如乾癬者相染多致絕羣治法豎長竿圈中

竿頭置板令獼猴居上辟狐狸而益羊差病也○羊夾蹠方取羝羊脂和鹽煎令熟燒鐵令微熱勻脂烙之勿令久泥水不日自差○剪羊毛三月候毛牀動則剪剪訖以河水洗卽生毛潔白八月候胡荻子未成時剪之不爾則損毛中旬後剪則勿洗恐寒氣損羊

宋野人歌曰既定爾婁豬盍歸吾艾豕

左傳

語曰苑中三公門下二卿五門嘍嘍但聞豬聲

三輔決錄馬氏

兄弟五人共養豬

賣○案嘍疑誤



民要術母豬取短喙無柔毛者

喙長則牙多一廂三牙已上則不煩畜爲

難肥故有柔毛者炳治難淨也

牝者子母不同圈

同圈喜相聚不食則死傷牡者

同圈則無嫌

牡性遊蕩易走失

圈不厭小

圈小則肥疾

處不厭穢

泥汗則避暑

亦須小厰以避雨雪春夏草生隨時放牧精

糠之屬當日別與

糟糠經夏輒敗不中停放

八九十月放而不飼

所有糟糠則畜待窮冬春初

豬性甚便水生之草食之肥

初產者

宜煮穀飼之其子三日便拍尾六十日後犍

三日拍尾則不

畏風凡犍豬死者皆風所致耳犍不截尾則前大後小犍骨細肉多不犍骨粗肉少如犍牛法者無風死

之十一月十二月生者豚一宿蒸之

蒸法索籠盛豚著飯中微火蒸

之汗出 便罷 不蒸則腦凍不合不出旬便死 豚性腦少寒盛則不能自

煖故須煖 氣助之 供食豚乳下者佳簡取別飼之宜埋車輪

爲食場散粟豆子內小豚食足出入自由則肥速 本案

草經梓居下品別錄云葉搗傅豬瘡飼豬肥大三倍

陶注云桐葉梓葉肥豬之法未見應在商正子養豬

經中蘇恭注云二樹花葉飼豬並能肥大且易

養見李當之本草及博物志然不云傳豬瘡也 ○四

時類要闕豬子待瘡口乾平復後取巴豆兩粒去殼

爛搗和麻粃 音華 糟糠之類飼之半日後當大瀉其後

日見肥大

魏人歌曰我有枳棘岑君伐之我有蠹賊岑君過之吠

狗不驚足下生麓

後漢書岑熙爲魏守人歌之麓長毛也犬無追吠故生麓

爾雅犬生三獲二師一獬

音祈獲音宗

未成毫狗

註狗子未生髣

者長喙獫狁短喙獬獠

虛嬌切獬音歇獠力驗切並見詩

絕有力挑

音兆

羸狗也○說文犬狗之有縣蹠者也象形孔子曰視

犬之字如畫狗也又孔子曰狗叩也叩氣吠以守从

犬句聲○春秋考異郵七九六十三陽氣通故斗運

狗三月而生

注狗斗精所生○案風俗通犬金畜

○埤雅韓子曰蠅營

狗苟狗苟故从苟也

案狗同

○又傳曰犬有三種一者

田犬二者吠犬三者食犬食犬若今菜牛也○禮記

月令仲秋按芻豢

註養牛馬曰芻犬豕曰豢疏云食草曰芻食穀曰豢○案說文豢以

穀圈養

豕也

鄙語云寧爲雞口無爲牛後

戰國策○一云雞尸牛從尸主也從牛子也

夏小正正月雞桴粥

註粥也者相粥桴呼也或曰桴姬伏也粥養也○桴與孚通粥

與祝

與通爾雅雞大者蜀蜀子雞

音餘

未成雞健

音練

絕有

力奮○春秋運斗樞玉衡星散爲雞○春秋說題辭

雞爲積陽南方之象故陽出雞鳴以類感也雞之爲

言佳也佳而起爲人期莫寶也

善爲人制晏早之期

○說文雞

知時畜也

註雞者稽也能稽時也

○風俗通雞本朱氏翁所化

故呼朱朱祝雞翁善養雞故呼祝祝○本草烏雞主

補中○龍魚河圖黑雞白頭食之病人有六指者殺

人四距者亦殺人有五色亦殺人○白澤圖雞有四

距重翼者龍也殺之震死○張衡南都賦春卵夏筍

秋韭冬菁

案卵雞卵也歲時記云補益滋味玉燭寶典寒食節城市尤多鬪雞卵之戲也○

養生論雞肉不可令小兒食食之生虻蟲又令體消

瘦○齊民要術雞種取桑落時生者良

形小淺毛腳細短者是也

守窠少聲善育雛子

春夏生者則不佳

形大毛羽悅澤腳粗長者是遊蕩饒聲產乳易

厭既不守窠則無緣蕃息

雞春夏雛二十日內無令出窠飼以燥



則蜮沈養之園林則蛇遠去又鴨鳴呷呷其鳴自呼

鳧能高飛而鴨舒緩不能飛故曰舒緩

案廣雅一名鵞匹亦作鴨

鴨亦作鵞別作鵞

又覆卵則鶴入水鵞颺月注云伏卵則向

月取氣助卵

颺音未詳

○酉陽雜俎俗言鵞驚鬼鳩鵲厭

火孔雀辟惡○齊民要術鵞鴨並一歲再伏者爲種

一伏得子者少三伏者冬寒雛多死也

大率鵞三雌一雄鴨五雌一雄

鵞初輩生子十餘鴨生數十後輩皆漸少矣

常足五穀飼之

生子多不足者生子少

欲于厰屋之下作窠

以防豬犬狐狸

多著細草

于窠中令煖先刻白木爲卵形窠別著一枚以誑之

不爾不肯入窠不生時尋卽收取別著一煖處以柔細草覆藉

之凍卽雛死

伏時大鵝一十子大鴨二十子小者減

之多則數起者不任爲種

凍起則凍冷也

其貪伏不起者須

五六日一與食起之令洗浴

久不起者飢羸身冷雖伏無熱

鵝鴨皆

一月雛出量雛欲出之時四五日內不用聞打鼓紡

車大叫豬犬及舂聲又不用器淋灰不用見新產婦

觸忌者雛多厭殺不能自出假令出亦尋死也

雛旣出作籠籠之先以粳米

爲粥糜一頓飽食之名曰填噤然後以粟飯切苦菜

蕪菁英爲食以清水與之濁則易

不易泥塞

入水中

不用停久尋宜驅出

此既水禽不得水卽死臍未合久在水中冷徹亦死于籠

中高處敷細草令寢處其上

雞小臍未合不欲冷也

十五日後

乃出籠

早放者匪直乏力致困又有寒令兼烏鴉災也

鵝惟食五穀稗子及

草萊不食生蟲

葛洪曰鵝食射工案鵝聲辟鬼

鳴靡不食矣水稗

實成時尤是所便噉此足得肥充供廚者子鵝百日

以外子鴨六七十日佳過此肉硬大率鵝鴨六年以

上老不復生伏矣宜去之少者初生伏又未能工惟

數年之中佳耳純取雌鴨無令雜雄足其粟豆常令

肥飽一鴨便生百卵

俗所謂殺生者此卵宜以供膳幸無麤卵之咎也

童謠云寧飲建業水不食武昌魚

通鑑晉武徙都武昌童謠云

諺曰買魚得鱖不如噉茹

案陸璣疏鱖魚之不美者性懦弱即鱖也鱖音庸

鄉語曰居就糧梁水魴

陸璣疏魴魚之美者梁水魴尤美

里語曰洛鯉伊魴貴於牛羊

洛深宜鯉伊淺宜魴

諺曰買魚得鱖不如食茹寧去累世宅不去鬻魚額洛

鯉伊魴貴于牛羊得合瀾蠋雖不足豪亦足以高見酉雜

俎

爾雅鯉音繩小魚

註今江東呼魚子未成者爲鯉

魚有力者黈

音暉註強大

多魚枕謂之丁

註枕在魚頭骨中

魚腸謂之乙魚尾謂之丙

註此皆似篆書字因名焉○說文魚本作𩺰水蟲也象形與燕尾

相似○儀禮有司徹魚七註魚無足翼○案列子黃帝篇姬魚語文註云姬讀

居魚讀吾非魚名也○神農書鯉爲魚王無大小脊旁鱗皆三

十有六案爾雅釋魚首鯉次鱣無異名說文遂以鯉爲鱣誤也○齊民要術引

陶朱公養魚經曰夫治生之法有五水畜第一水畜

所謂魚池也以六畝地爲池池中作九洲求懷子鯉

魚長三尺者二十頭牡鯉魚長三尺者四頭以二月

上庚日納池中令水無聲魚必生至四月內一神守

六月內二神守八月內三神守神守者鼈也所以納

鼈者魚滿三百六十則蛟龍爲之長而將魚飛去納  
鼈則魚不復去在池中周繞九洲無窮自謂江湖也  
至來年二月得鯉魚長一尺者一萬五千枚三尺者  
四萬五千枚二尺者萬枚至明年得長一尺者十萬  
枚長二尺者五萬枚長三尺者五萬枚長四尺者四  
萬枚畱長二尺者千枚作種所餘皆貨候至明年不  
可勝計也池中有九洲八谷谷上立水二尺又谷中  
立水六尺所以養鯉者鯉不相食易長又貴也○又  
作魚池法三尺大鯉非近江湖倉卒難求若養小魚

積年不大欲令生大魚法須載取藪澤陂湖饒大魚之處近水際土十數載以布池底二年之內卽生大魚蓋由土中先有大魚子得水卽生也

案李善注張協七命引此

經文有詳略

孫男聯

蓀聯茹校字

宛邑毓文齋景春融手刊